

Obavještenje dobavljačima vezano za organizaciju rada Odjeljenja za sjemenarstvo, rasadničarstvo i zaštitu zdravlja bilja za vrijeme trajanja epidemije bolesti uzrokovane virusom COVID-19.

U skladu sa Odlukom Vlade FBiH o proglašenju stanja nesreće zbog pojave korona virusa na području FBiH (16.03.2020.), Odlukom Vijeća ministara BiH (17.03.2020.), Zaključkom Vlade FBiH u vezi sa načinom rada u Vladi FBiH, federalnim organima uprave, federalnim upravnim organizacijama i stručnim i drugim službama Vlade FBiH u cilju sprečavanja bolesti izazvanom virusom COVID-19 (20.03.2020.) i preporukama Federalnog ministarstva zdravstva, službenici Odsjeka za certifikaciju sjemena i sadnog materijala poljoprivrednih biljaka neće neposredno raditi sa dobavljačima, a proces certifikacije odvijaće se pregledom dokumentacije i fotografija dostavljenih putem e-maila i pošte od strane dobavljača.

Pored prijave za službeni nadzor sjemena ili sadnog materijala, sa propisanom pratećom dokumentacijom, dobavljači su dužni da dostave *i Izjavu o istinitosti i vjerodostojnosti podataka*. Izjava mora biti potpisana od strane odgovorne osobe u pravnom licu, te ovjerena pečatom dobavljača.

Procesi certifikacije će se provesti prema svim procedurama certifikacijskog tijela Federalnog zavoda za poljoprivredu Sarajevo za svakog dobavljača pojedinačno i izdaće se certifikati za sjeme i sadni materijal uz napomenu da će se dio procesa na terenu od strane ovlaštenih lica obaviti naknadno, nakon završetka pandemije. Rukovodstvo Federalnog zavoda je propisalo ovaj način rada kao preventivnu mjeru za zaštitu zdravlja radnika i suzbijanje širenja virusa COVID-19.

U slučaju da je nužno ili ako dobavljač izričito traži službeni nadzor na licu mjesta, potrebno je da uputi zahtjev putem e-maila. U skladu sa navedenim upućuju se registrovani dobavljači i sva pravna i fizička lica da se Odjeljenju za sjemenarstvo, rasadničarstvo i zaštitu zdravlja bilja obraćaju elektronskim putem na e-mail fzpz@fzpz.gov.ba ili telefonom na broj :+ 387 33 774 230.